

**AWDURDOD TÂN GOGLEDD CYMRU**

**19 GORFFENNAF 2004**

**Adroddiad gan y Clerc**

**DIRPRWYO PWERAU I'R PRIF SWYDDOG TÂN**

**DIBEN YR ADRODDIAD**

1. I gytuno ar adolygiad o ddirprwyaethau i'r Prif Swyddog Tân.

**CEFNDIR**

2. Mae'r dirprwyaethau presennol i'r Prif Swyddog Tân wedi hel ar hap dros gyfnod o amser. Mae'r agenda foderneiddio ar gyfer y gwasanaeth tân ac achub, gan gynnwys diddymu Adran 19 o Ddeddf y Gwasanaethau Tân 1947, cytuno ar Gynllun Integredig Rheoli Risg cyntaf yr awdurdod a chyflwyno Mesur y Gwasanaethau Tân ac Achub, yn golygu bod adolygiad o ddirprwyaethau yn amserol.
3. Ystyriwyd adroddiad gan y Panel Gweithredol yn ei gyfarfod ar 22 Ebrill a chytunwyd i argymhell y newidiadau a restrir yn yr atodiad. Yn unol â phenderfyniad y Panel, mae'r argymhelliad sy'n ymwneud â materion personél yn cadw'r trefniadau presennol.

**ARGYMHELLIAD**

4. Gwahoddir yr Awdurdod Tân i gytuno'r newidiadau i'r dirprwyaethau fel a nodir yn yr atodiad.

**Atodiad****Mesur GTA = Mesur Gwasanaethau Tân ac Achub**

	<b>Dirprwyaeth bresennol a dyddiad y penderfyniad</b>	<b>Dirprwyaeth arfaethedig</b>
1	<p>Mae rhai o'r dirprwyaethau presennol yn ymwneud â dirprwyaethau cynyddol ond mae llawer ohonynt yn rhai mud.</p> <p>Y cynnig yw i'r Prif Swyddog Tân gael pŵer cyffredinol i ddirprwyo ei swyddogaethau fel y gwél orau.</p>	<p>Gall y Prif Swyddog Tân ddirprwyo unrhyw un o'i swyddogaethau i aelod o staff o Awdurdod Tân Gogledd Cymru; a gall drefnu i'w swyddogaethau gael eu cyflawni gan weithwyr o awdurdodau lleol eraill (gan gynnwys gweithwyr awdurdodau tân eraill).</p>
2	Heb ei nodi	<p>Gweithredu pwerau atodol dan adran 3 o Ddeddf y Gwasanaethau Tân 1947, ar wahân i benodi aelodau etholedig i gyrrff allanol megis Cyngor Cymdeithas Llywodraeth Leol Cymru ayyb.</p> <p>Pan fydd y Mesur GTA yn dod yn ddeddf, ei newid i: Gweithrediad pwerau achlysurol dan adran 5, Deddf y Gwasanaethau Tân ac Achub 2004, ar wahân i benodi aelodau etholedig i gyrrff allanol megis Cyngor Cymdeithas Llywodraeth Leol Cymru ayyb.</p>
3	Heb ei nodi	<p>Pan fydd y Mesur GTA yn dod yn ddeddf:</p> <p>Yn unol â'r Cynllun Integredig Rheoli Risg ac unrhyw bolisiau sydd wedi eu cymeradwyo gan yr Awdurdod Tân, penderfyniadau am gyflawni swyddogaethau'r awdurdod tân dan adrannau 6 i 12 o Ddeddf y Gwasanaethau Tân ac Achub 2004.</p>

*trosodd/...*

4	<p>Penderfyniadau ynghylch cefnogaeth i Gymdeithasau'r Gwasanaeth Tân a'u swyddogaethau; gan gynnwys y defnydd o gludiant swyddogol a threuliau allan-o-boced i bobl sy'n mynychu cyfarfodydd Cymdeithasau o'r fath; penderfyniadau ynghylch cefnogaeth i swyddogaethau cymunedol megis nosweithiau tân gwyllt. (13/2/1996)</p>	<p>Penderfyniadau ynghylch cefnogaeth i Gymdeithasau'r Gwasanaeth Tân a'u swyddogaethau, gan gynnwys y defnydd o gludiant swyddogol a threuliau allan-o-boced i bobl sy'n mynychu cyfarfodydd Cymdeithasau o'r fath; penderfyniadau ynghylch cefnogaeth i swyddogaethau cymunedol.</p> <p>Pan fydd y Mesur GTA yn dod yn ddeddf, ei hepgor (mae'r dirprwyaethau uchod yn eu cynnwys)</p>
5	<p>Heb ei nodi</p>	<p>Gwneud, amrywio neu ddirymu cynlluniau atgyfnerthu gyda phersonau eraill, yn unol ag adrannau 2 a 12 Deddf y Gwasanaethau Tân 1947.</p> <p>Pan fydd y Mesur GTA wedi dod yn ddeddf: rhoi'r canlynol yn ei le: Gwneud, amrywio neu ddirymu unrhyw drefniadau gyda phersonau eraill yn unol ag adrannau 13 i 17 o Ddeddf y Gwasanaethau Tân ac Achub 2004.</p>
6	<p>Penderfyniadau ynghylch pa ddigwyddiadau penodol ddylai fod yn agored i dâl; y pŵer i gynyddu'r taliadau am alwadau gwasanaethau arbennig yn flynyddol (fel arfer ar raddfa chwyddiant). (17/6/1996)</p>	<p>Penderfyniadau ynghylch pa ddigwyddiadau penodol ddylai fod yn agored i dâl; y pŵer i gynyddu'r taliadau am alwadau gwasanaethau arbennig yn flynyddol, yn unol â pholisi'r Awdurdod ar godi tâl.</p> <p>Pan fydd y Mesur GTA wedi dod yn ddeddf, rhoi'r canlynol yn ei le: penderfyniadau am godi tâl dan adran 19 Deddf y Gwasanaethau Tân ac Achub 2004, yn unol â pholisi'r Awdurdod ar godi tâl.</p>

*trosodd/...*

7	Heb ei nodi	<p>Pan fydd y Mesur GTA wedi dod yn ddeddf:</p> <p>Penderfyniadau ar weithredu pwerau ar neu o dan y môr dan adran 20 o Ddeddf y Gwasanaethau Tân ac Achub 2004.</p>
8	Heb ei nodi	<p>I'r graddau nad ydynt eisoes wedi'u cwmpasu yn yr uchod: penderfyniadau am y defnydd gweithredol o staff, cyfarpar ayyb a'r defnydd o adeiladau yn unol â'r Cynllun Integredig Rheoli Risg. Nid yw'r ddirprwyaeth hon yn cynnwys y pŵer i gau gorsaf dân os nad yw hynny'n benodol wedi cael ei gynnwys yn y Cynllun neu wedi bod yn destun penderfyniad gan yr Awdurdod Tân.</p>
9	Heb ei nodi	<p>Pan fydd y Mesur GTA wedi dod yn ddeddf:</p> <p>Cytundebau ayyb. mewn perthynas â chyflenwad dŵr dan adran 5 Deddf y Gwasanaethau Tân ac Achub 2004.</p>
10	Gweithredu pwerau archwilio, gorfodi, cynghorol ac ymgynghorol o ran atal tân dan amrywiol Ddeddfau, gyda phŵer i ddirprwyo swyddogaethau i'r Uwch Swyddog Diogelwch Tân neu Brif Swyddog arall. (29/9/1997)	<p>Gweithredu pwerau archwilio, gorfodi, cynghorol ac ymgynghorol o ran atal tân. Mae'r ddirprwyaeth hon yn cynnwys, ond heb fod yn gyfyngedig i swyddogaethau'r Awdurdod Tân dan Ddeddf Iechyd a Diogelwch ayyb yn y Gweithle 1974 a'r rheoliadau a wnaed dani, Deddf Adeiladu 1984, Deddf Tai 1985, Deddf Rhagofalon Tân 1971, Deddf Drwyddedu 2003, Deddf Hapchwarae 1968, Deddf Diogelwch Meysydd Chwaraeon 1975, Deddf Sinemâu 1985, Deddf Theatrau 1968</p>

*trosodd/..*

<p>11</p>	<p>Y pŵer i ganiatáu, tynnu neu ddiddymu caniatâd i swyddogion gael ail swyddi, yn ddibynnol ar wahanol amodau. (28/10/1996)</p> <p>Y pŵer i amrywio gofyniadau seibiant dan bolisi'r awdurdod ar seibiant mabwysiadu. (16/6/1997)</p> <p>Penderfyniadau ynghylch gostwng neu atal tâl swyddogion sydd yn absennol o'u gwaith oherwydd salwch, yn dilyn ymgynghoriad gyda'r Cadeirydd neu'r Is-Gadeirydd. (22/6/1998)</p> <p>Mae gan y Panel Gweithredol swyddogaethau fel panel penodiadau ar gyfer y pum aelod uchaf o'r staff; i weithredu fel panel ar gyfer disgyblu'r prif swyddog tân; i weithredu fel y panel apêl mewn materion disgyblu, i weithredu pwerau yn ôl ei ddoethineb mewn materion pensiynau.</p>	<p>Yn unol â'r polisïau mae'r Awdurdod Tân yn eu mabwysiadu ar hyn o bryd, y penderfyniadau ar yr holl faterion personél ar gyfer gweithwyr yr Awdurdod gan gynnwys penodiadau, disgyblu, apeliadau, caniatâd dan adrannau 43 i 45 o Ddeddf Gwasanaethau Tân ac Achub 2004, seibiannau ac ati.</p> <p>Nid yw'r ddirprwyaeth hon yn berthnasol i:</p> <ol style="list-style-type: none"> <li>(1) benodi'r Prif Swyddog Tân, y Dirprwy Brif Swyddog Tân a'r Prif Swyddogion Tân Cynorthwyol a'r Prif Swyddog Cynorthwyol (Gwasanaethau Corfforaethol)</li> <li>(2) achosion disgyblu yn erbyn y Prif Swyddog Tân neu faterion cyflog neu bensiwn yn ymwneud â'r Prif Swyddog Tân</li> <li>(3) bod yn banel apêl dan ddarpariaethau Rheoliadau (Disgyblu) y Gwasanaeth Tân 1985 neu mewn materion disgyblu sy'n effeithio ar staff llywodraeth leol dan gytundebau'r Cyd-Gyngor;</li> <li>(4) penderfyniadau ar ddefnyddio pwerau yn ôl doethineb dan Orchymyn Cynllun Pensiwn y Diffoddwyr Tân 1992 neu Reoliadau'r Cynllun Pensiwn Llywodraeth Leol;</li> <li>(5) i'r graddau nad yw (1) i (4) yn ymorol amdano, unrhyw benderfyniad lle mae angen cyfraniad aelodau dan ddeddfwriaeth neu unrhyw gytundebau cenedlaethol neu leol perthnasol.</li> </ol> <p>Bydd penderfyniadau am ostwng neu atal tâl swyddogion sydd yn absennol o'u gwaith oherwydd salwch, yn agored</p>
-----------	--	--

		i ymgynghoriad o flaen llaw gyda'r Cadeirydd neu'r Is-Gadeirydd.
--	--	--